

بما ان المحاضرات من ٧ الى ١٠ كلها قوانين وما فيه شى غير القوانين

راح اعطيكم طرق كيف تحفظونها من خلال الاسم وخلوا عندكم قاعده من اسم القانون يعنى الاسم الاول بالبسط والثانى

مقام بس بفهم شوى

نبدأ باسم الله ☺

١. نسبة التداول
من اسمه تداول نتداول ايش اصول يعنى الاصول في البسط والمقام خصوم (عكس بعض)
٢. التداول السريع
اسمه نفس اللي قبل لكن اضعنا كلمة السريع واحنا عارفين ان الاصول المتداوله انواع نقدية ومخزون لكن المخزون ياخذ وقت علشان نصرفه موزي النقدية وباقي الاصول المتداوله فيصير القانون زي اللي قبل بس ننقص المخزون علشان يصير سريع خخخ
٣. النسبة النقدية
وبعد نفس الاصول المتداوله لكن نحط النقدية والاستثمارات المؤقتة لانها اوراق ماليه والاوراق الماليه نقدر نبيعها بضغطة زر ☺
٤. معدل دوران الاصول المتداوله
المبيعات تدور من جهة لجهة ومن اسم القانون يصير المبيعات في البسط ومجموع الاصول في المقام
٥. معدل دوران الذمم المدينة
نفس اللي قبله قالي دوران يعني مبيعات وبعد كلمة دوران قال ذمم مدينة يعني مبيعات على ذمم
٦. متوسط فترة التحصيل
تحصيل ايش اكيد ديون فتصير ديون بالبسط والديون اجله من وين جت اكيد من المبيعات فتصير المبيعات الاجله في اليوم بالمقام
٧. معدل دوران المخزون
جت كلمة دوران اجل السالفه مبيعات بس حدد لنا مبيعات المخزون فنستعمل تكلفة البضاعة المباعه في البسط والمقام محدد انه يبي مخزون كامل يعني نجمع مخزون اول الفتره واخر الفتره ونقسمهم على ٢
٨. معدل دوران الاصول الثابته
وزي ما قلنا دوران يعني مبيعات بالبسط وبعده قال اصول ثابتته بالمقام
٩. معدل دوران مجموع الاصول الثابته
دوران < مبيعات بالبسط
وبعده المقام الاسم اللي قاله الاصول الثابته
١٠. نسبة مجموع الديون الى مجموع الاصول
اسهل شى عطاكم اياها واضحه البسط مجموع الديون والبسط مجموع الاصول الثابته
١١. نسبة الديون الى حقوق الملكيه
زي اللي قبله ديون في البسط وحقوق ملكيه في المقام
١٢. نسبة الديون طويلة الاجل
بعد نفس اللي قبل لكن بما انه قال ديون طويلة الاجل نكتب ديون طويلة الاجل في البسط والمقام نضيف ديون طويلة الاجل + حقوق الملكيه يطلع لنا مجموع هيكل رأس المال
١٣. عدد مرات تغطية الفوائد
بما ان السالفه فيها فوائد يعني ارباح لان الفوائد م تجي الا من وري الارباح وبما اننا نبي الفوائد اخترنا الارباح قبل الفوائد يعني م خصمنا الفوائد منها وبالمقام الفوائد السنويه
١٤. هامش مجمل الربح
من الاسم هامش مجمل الربح بالبسط والمقام مبيعات لان الربح م يجي الا من المبيعات
١٥. هامش صافي الربح
يختلف عن اللي قبله باننا نحط الربح بعد الضريبه لانه قالنا صافي الربح يعني صافي من الاشياء اللي ما تعتبر ربح اللي هي الضرائب

١٦. القوه الايراديه

من اسمه ايراد والايراد يجي من العمليات البيعيه يعني بالبسط صافي والعمليات وبالمقام مجموع الاصول المشاركه في العمليات.

١٧. العائد على الاستثمار

من اسمه عائد يعني ربح وربح صافي وهذا اللي نبيه ربح بعد الضريبه وبما انها على الاستثمار يكون صافي الربح بالبسط وبالمقام مجموع الاصول لان استثمارنا يمكن يكون في أي نوع من الاصول

١٨. العائد على حقوق الملكيه

نفس اللي قيل العائد يعتبر صافي ربح بعد الضريبه بالبسط وعلى حقوق الملكيه يعني بالمقام

١٩. العائد على هيكل رأس المال

من القاتون اللي قبله أضفنا على الربح بعد الضريبه فوائد الديون طويلة الاجل لان صار عندنا بالمقام ديون طويلة الاجل وعلى هيكل رأس المال وعرفنا انه يساوي = حقوق الملكيه + ديون طويلة الاجل.

٢٠. نصيب السهم من الارباح المحققه

بسيطه صافي الربح على عدد الاسهم العاديه

٢١. نسبة سعر السهم الى نصيب السهم من الارباح المحققه

من اسمه مذكور اول شي سعر السهم يعني في البسط السعر السوقي للسهم وبعده مذكور نصيب السهم من الارباح المحققه فيصير بالمقام الارباح المحققه بالسهم

٢٢. نسبة نصيب السهم من الارباح المحققه الى سعر السهم (معكوس اللي قبله)

يعني نصيب السهم في البسط وسعر السهم في المقام

٢٣. الارباح الموزعه بالسهم

من اسمه مذكور الو شئى الارباح الموزعه بالبسط والمقام الاسهم العاديه.

القوانين تميزها اساميهما وبسهوله بإذن الله تحفظونها واللي ينسى يتذكر من اسم
القانون ☺